

## Finalis PABM 2016 tenangkan fikiran menjelang saingan akhir

UTUSAN MALAYSIA (BALAI NEGARI) 25 MAC 2016 M/S 3

KUALA LUMPUR 24 Mac - Pidato Antarabangsa Bahasa Melayu (PABM) Piala Perdana Menteri 2016 memasuki peringkat akhir esok bakal menampilkan sembilan peserta dari dalam dan luar negara menerusi tiga kategori yang dipertandingkan.

Sewaktu sebahagian besar peserta peringkat akhir menumpukan persiapan malam esok, dua finalis dari Amerika Syarikat (AS) dan Iraq mengambil pendekatan tersendiri dengan melawat Menara Berkembar Petronas dan pusat beli-belah Suria KLCC hari ini untuk menengangkan fikiran.

Peserta dari AS, Megan Rose Donelly, 27, yang merupakan finalis kategori Antarabangsa memberitahu, dia mengambil keputusan untuk menyertai lawatan itu kerana mahu berehat daripada tekanan menghadapi final esok.

"Saya belum pernah ke pusat bandar raya Kuala Lumpur sebelum ini dan di kesempatan ini, ada baiknya jika saya tenangkan fikiran dengan menyertai lawatan inia ketika ditemui di sini hari ini.

Berkongsi pendapat yang sama, peserta dari Iraq, Anas Mohamad Husain Kassim, 26, yang mewakili Universiti Malaysia Pahang (UMP) dalam kategori Pelajar Antarabangsa di Malaysia percaya dia su-



PESERTA Pidato Antarabangsa Bahasa Melayu Piala Perdana Menteri 2016 sempat meluangkan masa melawat Menara Berkembar Petronas di Kuala Lumpur, semalam. - UTUSAN/AMIR KHALID

dah cukup bersedia untuk persediaan di peringkat akhir.

"Saya sedikit kecewa apabila tersingkir di suku akhir pada edisi tahun lalu, namun membawa segala pengalaman yang ada untuk dikerahkan pada final esok kerana itu juga merupakan sasaran saya sejak tahun lalu," jelasnya.

Sementara itu, peserta dari Belanda, Priscilla Haley Rasyid, 22, yang tersingkir di peringkat suku

akhir, berazam untuk kembali dalam pertandingan itu pada masa hadapan jika masih diberikan peluang.

"Terlalu banyak perkara yang saya belajar sepanjang berada dalam PABM 2016. Antaranya, menerusi persembahan peserta lain, pelbagai budaya yang ditonjolkan dan lengok bahasa Melayu mempunyai maksud tersendiri," ujarnya.

Peserta dari Rusia, Olga Popova, 20, berkata, dia kagum dengan tips

yang diberikan oleh peserta lain kepadaannya untuk memudahkan penggunaan bahasa Melayu.

"Untuk persiapan PABM 2016, saya bukan sahaja menonton filem berbahasa Melayu tetapi diajar untuk menghafal pantun serta menyanyikan lagu yang akhirnya membuatkan saya bertambah minat untuk menyertai pertandingan ini jika diberikan peluang pada masa hadapan," katanya.